



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

X. Monachis non alias decimas quam de noualibus indulgendas.

**urn:nbn:de:hbz:466:1-15588**

phanis & peregrinis dandæ sunt. Indignum est enim ut a  
clericis exigantur, qui propter eum cuius sunt decimæ,  
pauperes efficiuntur. Nam si pauperes Domini sunt, pau-  
perum hereditas pauperibus eius ergoanda est, illis videli-  
cer, qui propter amorem illius quæ poterant possidere di-  
mittunt: eumque nudi sequentes, potestati alterius se sub-  
mittunt.

## C A P. X. Item Hadrianus papa.

Nobis in eminenti specula, disponente Domino consti-  
tutis, si cunctarum iura ecclesiarum integre non debeant  
& illibata seruari, locum beati Petri apostolorum princi-  
pis inutiliter obtinere, & iuxta nobis commissæ dispensa-  
tionis officium negligenter agere videmur. Sic enim ec-  
clesiæ Dei, nobis cum diuina gratia prouidente gubernan-  
tibus, recto suo cursu diriguntur, dum nos & errata quam  
vigili prouisione corrigere, & vnicuique studemus ius \* \* pro-  
suum seruare. Dilecti filii nostri \* Partonolensis ecclesiæ,  
aduersum vos quæstione deposita, sua nobis relatione mon-  
strauerunt, vos quasdam decimationes ad ius suum perti-  
nentes violenter auferre, & ipsos fratres eisdem decima-  
tionibus ausu temerario infestare: qui si beati Benedicti re-  
gulam, iuxta quam viuitis & monachicum habitum gesta-  
tis, attenta solitudine pensaretis, ad proximorum bona  
deripienda non præsumeretis manum extendere, vel quæ  
alterius iuris sunt, vobis illicite usurpare. Ne ergo vos de-  
cetero aut avaritiae malum, aut vitium (quod absit) rapaci-  
tatis accuset, per apostolica scripta vobis mandamus,  
quatenus nullam eorum antiquam possessionem, vel deci-  
mationem, vel eam quæ in illo loco præsertim, qui \* Ma-  
cien appellatur, existit, auferre seu protrahere præsumat-  
is, & si quas eis præter solitum in hoc anno de ipsis deci-  
mis negastis, quascumque etiam possessiones per violen-  
tiā detinetis, secundum quod antiquitus præfata ecclesia  
noscitur possedisse, eis in integrum, omni occasione ces-  
fante, nullatenus restituere differatis. Nos siquidem viris  
religiosis non alias decimas, nisi eas quæ de noualibus pro-  
uenire noscuntur, duximus indulgendas. Si vero huius  
mandati ausi fueritis existere contemptores, & ad sedem  
apostolicam querimonia peruenerit iterata, timendum

vobis

ANNO CHRISTI 1179. vobis erit, ne sentire debeat seueritatis ecclesiasticæ vltionem.

CAP. XI.

*Idem VVigorniensi & Herefordensi episcopis.*

Ex multiplice conquestione VV. presbyteri de Tritona accepimus, quod cum \* in ecclesia de Tritona, tringita annis & eo amplius \* ministrasset, monachi de \* Beria decimas vniuersas quas de terris cultis a prima fundatione eadem ecclesia semper percipere consueuit, infra hoc quadriennium sibi & ecclesiae subtraxerunt: cum inter abbatem de \* Bueria VV. nomine de consensu totius conuentus, & prædictum presbyterum, quindecim annis & eo amplius elapsis, talis interuenisse dicatur conuentio, scripto authenticō monachorum roborata, quod monachi prædicto presbytero & ecclesiae suæ de blado & vniuersis leguminibus in integrum, quamdiu viueret, deberent persoluere, exceptis minutis decimis, quas idem presbyter, ob exaltationem ecclesiae monachorum, quietas clamauit. Cumque conuentio temporibus trium abbatum præscripti loci servata fuisset, abbas illius loci ad præsentiam nostram accedens, a nobis scriptum priuilegium obtinuit, in quo monasterio suo indulximus, vt de laboribus quos propriis manibus & sumptibus excolit, nulli decimas soluere teneatur. Qui siquidem reuersus ad propria, tantam gratiam \* aduersus H. illustrem regem Angliae & fauorem inuenit, quod rex totam terram illius villæ, in qua ecclesia præfati presbyteri sita est, monasterio ipsius in perpetuam eleemosynam contulit. Quo facto, prædictus abbas vniuersis illius villæ colonis expulsis, totam terram prædictæ parochiæ excollens propriis sumptibus, ecclesiae debitos redditus subtraxit. Vnde quia non fuit intentionis nostræ per prædictum priuilegium nostrum prædictæ conuentioni derogare: fraternitati vestra, &c. quatenus utraque parte ante vos conuocata, rei veritatem diligentius inquiratis, & si inter prædecessorem prædicti abbatis & prænominatum presbyterum consensu monachorum talis conuentio fuerit, & per annum seruata, eumdem abbatem & monachos auctoritate nostra moneatis, & districte compellatis, vt eamdem conuentionem & compactionem, non obstante

*Concil. Tom. 27.*

Eccc